

# Մանդանա Սեփասի

## ԿՆՇ ԿԵՐՊԱՐԾ ԻՐԱՆԻ ԻՐԱՊԱՇՏ ՆԿԱՐԻՉՆԵՐԻ ՍՏԵՂԾԱԳՈՐԾՈՒԹՅՈՒՆՆԵՐՈՒՄ

**Հեռապատկեր, գեղարվեստ, նկարիչ, կնոջ դերը, դիմանկար, ավանդույթ,  
արքունիք, արվեստ, անհատականություն**

### Նախաբան

Իրական աշխարհի պատկերման գործնթացը ձևավորվում էր շատ դանդաղ, մոտ չորս հարյուր տարի և քաղաքական, սոցիալական, տնտեսական ու մշակութային ոլորտներում փոխարինում էր տեղական հնագույն ավանդույթներին: Մոհամադ Ղաֆֆարին (Քամալումոլք, ծնվ. Քաշան 1847 թ., մհց. 1940 թ Նեյշաբուր) համարվում է այդ ժամանակաշրջանի ամենաակնառու գեղանկարիչը: Նա, որպես Ղաջարների պալատի վերջին նշանավոր նկարիչ, առաջինն էր, որ իրաժարվեց իրանական նկարչության ավանդույթներից և լիովին տրվեց Եվրոպական նատուրալիզմին: Քամալումոլքի անվան Գեղեցիկ արվեստների դպրոցի հիմնադրումը էապես նպաստեց այդ գործնթացին, քանի որ նա Եվրոպայում ծեռք բերած իր փորձն ու ստացած տպավորությունները փոխանցում էր իրեն հետևողներին, որոնք կտավին էին հանձնում իրենց գլուխագործոցները: Քամալումոլքն ուներ գեղարվեստի իր հատուկ սկզբունքները: Նա ընդունում էր «իրականություն» և «գեղեցկություն» անժխտելի սկզբունքները. իրականությունը պատճառ և հիմք էր համարում, իսկ գեղեցկությունը՝ նրան կատարելագործող տարր: Քամալումոլքի գեղանկարչական առանձնահատկություններն էին ավանդույթների խախտումն ու նորարությունը: Նորարություններից է հեռապատկերի (perspective) կիրառումը: Նրա գործերում և ուսմունքի մեջ, աչքի ընկնող բոլոր փոփոխություններով հանդերձ, երևում են ավանդական գույների հետքերը, նամանավանդ տասներեքերորդ դարի ոսկեգույնի և շագանակագույնի երանգները, որ առկա են նաև նրան հետևող դասական նկարիչների կտավներում:

Այլ կերպ ասած, Քամալումոլքը վերջակետ դրեց ավանդական արվեստին՝ մեկնարկելով մի նոր և լուրջ շարժում, որը փոխ էր առնվել Արևմուտքի արվեստից: Ի դեպ, Քամալումոլքի շարժմանը զուգընթաց՝ ժամանակի արևմտյան արվեստն ընթանում էր դեպի իմպերիոնիստական ոճը, սակայն Իրանի հասարակական միտքը դեռևս այն աստիճան չէր զարգացել, որ կարողանար ազատվել անցյալի մտածելակերպից:

Քամալումոլքի գործերում կնոջ ավանդական և ազգային դերի համառոտ ուսումնասիրությամբ կարելի է պատկերացում կազմել նրա աշխատելառոճի մասին, անդրադարձանալ այդ ժամանակվա կնոջ հիմնական դերին:

Կնոջ դերի ուսումնասիրությանը նվիրված այս հոդվածում նախ համառոտ անդրադարձ ենք կատարելու ընտրված նկարիչների և Քամալումոլքի առաջին ու երկրորդ

սերնդի աշակերտների նկարների առանձնահատկություններին, ապա քննարկում կնոց կերպարն այդ կտավներում:

Քամալումոլքը սերում է արվեստագետների տոհմից: Նրա հորեղբայրը՝ Միրզա Աբողյասանխան Ղաֆֆարին (Սանհուլմոլք), տասնիններորդ դարի հրանի նշանավոր գեղանկարիչներից էր, որն անզուգական էր ջրաներկով՝ դիմանկարներ և խճույքներ նկարելու գործում: Քամալումոլքի հայրը՝ Միրզաբոզորդ Ղաֆֆարի Քաշանին, ևս հանրահայտ նկարիչ էր: Նրա եղբայրը՝ Աբութորար Ղաֆֆարին, համարվում էր իր ժամանակի շատ տաղանդավոր նկարիչներից մեկը: Ղեռահասության տարիքում Քամալումոլքն ընդունվեց Թեհրանի արհեստների բարձրագույն դպրոցը, և հենց այստեղ էլ սկսեց սովորել նկարչությունը՝ հանգուցյալ Մոզայան Օլ-Ղոլեի մոտ: Մոզայան Օլ-Ղոլեն հանրահայտ նկարիչ էր և ինչպես Աբոլիհասան Ղաֆֆարին (Սանհուլմոլք), նա էլ էր ճամբորդել Եվրոպա և մոտիկից ուսումնասիրել Եվրոպայի արվեստագետների գործերը, այսպես ասած՝ Եվրոպան նկարիչ էր:

Քամալումոլքն ուսման մեջ այնպիսի հաջողության հասավ, որ կարծ ժամանակ անց հրավիրվեց արքունիք և շուտով նշանակավեց նկարիչների ավագի («Նաղաշ-բաշի») պաշտոնում:

Այդ ժամանակաշրջանի նրա գործերի թեման ընդգրկում էր կտավի վրա առանձին պատկերված անձանց դիմանկարներ, թագավորական ճամբարների, այգիների, որսավայրերի տեսարաններ և պալատների ու դյուակների տարրեր հատվածներ: Նասերեդին շահի մահից հետո (1895 թ.) նա ուղեկորվեց Եվրոպա: Այս ճամբորդությունը տևեց երեք տարի և արվեստի մեծերի Տիգիանի ու Ռեմբրանդտի արվեստի գործերին ժանոթանալու և ընկալելու առօսուվ շատ կարևոր էր: Այդ ժամանակաշրջանի Քամալումոլքի կատարած բազմաթիվ պատճենահանումները վկայում են Եվրոպական մեծ արվեստագետների հանդեպ իր ունեցած հետաքրքրության ու վստահության մասին<sup>1</sup>:

Քամալումոլքն իրեն ավանդույթների խախտող և նորարար կտավին էր հանձնում կյանքի ակնթարթներն իրենց ամբողջ էլությամբ ու ասպեկտներով՝ հաշվի առնելով հեռապատկերը: Երբ խոսվում է Քամալումոլքի մասին, նա ներկայացվում է որպես պատմական ու լեզենդար մի անհատականություն, որ շուրջ իխուն տարի գգալի ազդեցություն է թողել իրանական գեղանկարչական արվեստի վրա:

Քամալումոլքի առասպելական կերպարը թեև խոչընդոտում է նրա գործերի արդիական ընկալմանը, այնուամենայնիվ նա թե՛ դրական և թե՛ բացասական ազդեցությունների օրինակ է, որ որևէ արվեստագետ կարող է թողնել իր ժամանակաշրջանի միջավայրի ու մարդկանց վրա:

Քամալումոլքի գեղանկարչական ուղին բաժանվում է մի քանի շրջանների:

1. Առաջին շրջանը վերաբերում է այն ժամանակին, երբ վարպետն սկսեց աշխատել Նասերեդին շահի արքունիքում որպես նկարիչների ավագ: Այդ շրջանի կտավները մոտավորապես հասնում են հարյուր յոթանասունի (1905-1933 թթ.):

2. Երկրորդ շրջանում վարպետը գտնվում էր Եվրոպայում (1933-1940 թթ.):

<sup>1</sup> Տե՛ս Բեհնամ Շաքարանգ, Դարար, Ալի Ղեհրաշի, Քամալումոլքի կենսագրությունը, Թեհրան, «Զեքամե» հրատարակչություն, 1987թ., էջ 311:

3. Երրորդ շրջանի գործերը նկարել է հալամի՝ Շիա ճյուղի սրբավայրեր ուխտագնացության ժամանակ (1940-1943 թ.):

4. Չորրորդ շրջանը համընկնում է Սահմանադրական համակարգի սկզբնական ժամանակաշրջանին և գեղագիտական արվեստների դպրոցի հիմնադրմանը<sup>1</sup>:

Հետևելով Քանալոլքի աշխատանքներին մի խումբ աշակերտներ շարունակեցին նրա ոճը, և ոմանք էլ սուբյեկտիվիզմը փոխարինեցին օբյեկտիվիզմով: Անշուշտ, այս պարագայում ընտրյալ դարձան այն նկարիչները, ովքեր ստեղծագործում էին վարպետի ոճով: Քանալոլքի աշակերտներից մեկի՝ Ալի Մոհամադ Ջեյդարյանի ստեղծագործություններում կնոջ ինքնությունն արտահայտվում է նկարչական նուրբ դետալների միջոցով: Այս հոդվածի համար ընտրված նրա կտավում կնոջ անհատականությունը կրկնապատկել է նրա վեհությունն ու հաստատակամությունը, և դա արվել է ուղղահայաց գծերի օգտագործման շնորհիվ՝ կտավի հիմնական գաղափարը փոխանցելու նպատակով<sup>2</sup>:

Քանալոլքի հետևողները նշված ոճերի օգտագործման համար ազատորեն կիրառել են ձևը, գույնը և բովանդակությունը: Ի վերջո այս նկարիչները մի կողմից հակվեցին դեպի սյուռեալիստական դպրոցը, իսկ մյուս կողմից՝ նոր և վերացական երևույթները: Այդ ժամանակաշրջանում նրանք օգտագործում էին հեռանկարի խորությունն ու մարդկային մարմնի կառուցվածքը և միաժամանակ դրանք մերժում: Սուբյեկտիվ և օբյեկտիվ հասկացությունները հաղորդելու նպատակով նրանք կրառում էին անբնական և չափազանցված պատկերներ, օգտագործում հիպերբոլը:

Այս ժամանակաշրջանի նկարիչ Յուշանգ Փեզեշքնիան իրականությունը պատկերել է իրատեսական խորությամբ և խոսուն պատկերներով: Այսպես է ստեղծվել «Խարթի կանայք» նկարների շարքը: Իրականում նա նորագույն գեղանկարչությունն իրան ներնուծող անձանցից էր: Նրա նկարչությունում իրանի հարավային շրջանի կանանց դեմքերը և խուզիստանցի կնոջ հպարտությունն ու արժանապատվությունը արտահայտված են հատուկ որակով ու շեշտադրությամբ: Ալի Աքբար Սանաթին իր կտավներում կիրառել է ռեալիստական և էքսպրեսիոնիստական ոճեր: Նրա կարծիքով նկարչությունն իրականացնում է անորոշ և անհասանելի երազանքներ, որոնք ոգեշնչվում են բնությունից: Մորթեզա Քաթուզյանի գործերը գրավում են հանդիսատեսին անկախ նրա մտավոր կարողությունների մակարդակից: Այս ստեղծագործության ներդաշնակ գույները միմյանց են կապում կնոշն ու մյուս տարրերը:

### **Իրանի ռեալիստ նկարիչների պատմությունը**

#### **Քանալոլքի դպրոցը**

Իրանի ժամանակակից արվեստի և գրականության էվոլյուցիան տեղի էր ունենում սահմանադրական շարժման հետ միաժամանակ սոցիալ-քաղաքական և մշակութային փոփոխություններին զուգընթաց: Պոեզիան և գրականությունն ուղղակի ազդեցություն կրեցին այս շարժումից, ինչը չի կարելի ասել նկարչության և

<sup>1</sup> Նույնը, էջ 319:

<sup>2</sup> Տե՛ս Քանալոլք (1985 թ.), Քանալոլքի դպրոց, Թեհրան, «Արգիմե» հրատարակչություն, էջ 9-10:

քանդակագործության մասին: Եվրոպայում կրթվելուց հետո 1910 թ. Քամալունութքը պետության թույլտվությամբ ու հովանավորությամբ և իր գեղարվեստական հայցըների ու մոտեցման հիման վրա Թեհրանում հիմնադրեց Գեղեցիկ արվեստների դպրոցը: «Այն ժամանակ, երբ Քամալունութքը դեկավարում էր իր դպրոցը, փորձում էր Եվրոպայից ստացած տպագորություններն ու փորձն օգտագործել իր աշակերտների համար: Մյուս կողմից՝ հնարավորություն ունեցավ ստեղծելու իր գլուխգործոցներից մի քանիսը, որովհետև դրանից հետո այլևս չունեցավ անհրաժեշտ ազատ ժամանակ, իսկ կյանքի վերջին տարիներին նրա հետ պատահած միջադեպերը, կարելի է ասել, նրան հեռացրին իր սիրած արվեստից<sup>1</sup>:»

Վարպետ Քամալունութքն ուներ, ինչպես ասվեց, արվեստի վերաբերյալ իր սկզբունքները: Գեղեցիկ արվեստների դպրոցի հիմնադրմանը Քամալունութքը նպատակ ուներ ուսանողներին կրթություն տալ Եվրոպական ակադեմիական մեթոդներով: Չնայած այս դպրոցը երբեք իսկական ակադեմիա չդարձավ, սակայն իրանուն կերպարվեստի զարգացման ուղի բացեց: «Քամալունութքը հավանություն է տալիս հունական արվեստին, որը հիմնված է երկու անժխտելի սկզբունքների՝ իրականության և գեղեցիկի վրա: Նա գտնում է, որ մողելը դեռևս ծառայում է որպես օրինակ, քանի որ մարդկությունը իր երկու հազար և հինգ հարյուրամյա զարգացումներով հանդերձ չի գերազանցել նրան և դեռ պետք է օգտագործի առաջընթաց ապրելու համար<sup>2</sup>:

Անցյալ դարի քառասունականներին, երբ ավելի քան յոթանասուն տարի էր անցել ֆրանսիայում ինպրեսիոնիզմի ի հայտ գալուց, և Արևմուտքի արվեստագետների նոր հայացըները խոստանում էին արվեստի բնագավառում կարևոր փոփոխություններ, որոց արվեստագետներ իրանում ջանում էին ընկալել այդ հայացըներն ու օգտվել դրանցից: Ոնանք Արևմուտքում ընթացող զարգացումներն ուսումնասիրելու նպատակով ուղևորվում էին Եվրոպա, իսկ ոնանք դեռևս փորձում էին իրենց գործերուն պահպանել գերիշխող կլասիցիզմն ու նատուրալիզմը: Այս ընթացքում որոշ պարբերականներում սոցիալական, պատմական ու գրական հոդվածների հետ սկսցին տպագրել կերպարվեստի մասին նյութեր: Հարաբերականորեն ձերբազատվելով իրանի ավանդական նկարչության մի մասից և կլասիցիզմն ու նատուրալիզմը սահմանափակող, զսպող ու փակ ավանդույթներից՝ քառասունական թվականները հնարավորություն ընձեռեցին իրանի արվեստ մուտք գործած և նոր շարժումների ու արժեքների ձգողող վերը նշված վարպետների նորամուծություններին ու զարգացումների ազդեցություններին ականատես լինել<sup>3</sup>:

Առնոլդ Հաուերգը ևս շեշտելով հասարակության և անհատի պատմական նշանակությունը տվյալ ժամանակի արվեստի արժեքներ ստեղծելու համար՝ պնդում է, որ

<sup>1</sup> Բեհնամ Շաբահանգ, Դարաբ, Ալի Ղեիրաշի, Քամալունութքի կենսագրությունը, Թեհրան, «Զեքամե» հրատարակչություն, 1987 թ., էջ 305:

<sup>2</sup> Խույնը, էջ 167:

<sup>3</sup>Տե՛ս Քամալունութք (1985 թ.), Քամալունութքի դպրոց, Թեհրան, «Արգինե» հրատարակչություն, էջ 238-239:

«Արժեքներն ստեղծվում են արվեստագետների միջոցով՝ հասուլ կարիքներ բավարարելու համար, ուստի դրանք պատճական փաստեր են»<sup>1</sup>:

## Քամալումոլքի դպրոցի կրթական կառուցվածքը

Գեղեցիկ արվեստների դպրոցի ղեկավարման 15 տարիների ընթացքում Քամալումոլքի ջամքերի շնորհիվ տեխնիկական հմտություններ ձեռք բերեցին մի շարք նկարիչներ ու քանդակագործներ, որոնք հետագայում վարպետի մեթոդներն օգտագործեցին արվեստի ուսուցանման ընթացքում և իրենց ստեղծագործություններում:

Քամալումոլքի դպրոցի յուրահատկություններից մեկն այն է, որ նրա հետևողությունը կատարելությունը փնտրում էին տասնիններորդ դարի Եվրոպական ակադեմիական արվեստի ոճով աշխատելու մեջ: Նրանց գործերում միշտ կարելի է տեսնել ինչ-որ ռոմանտիկ զգացմունքայնություն: Նրանցից շատերը դասավանդում էին ավագ դպրոցներում ու արվեստի և ուսումնական մասնավոր հաստատություններում: Նկարչության և գծանկարչության ուղեցույց ձեռնարկների հրատարակությունը տարածում գտավ Քամալումոլքի աշակերտների միջոցով: Նրանց ստեղծագործությունները հիմնականում դիմանկարներ էին, նատյուրմորտ, բնանկարներ և ժողովրդագրական պատկերներ: Քամալումոլքի արվեստի դպրոցի հիմնական պարտականություններն էին՝ դաստիարակել արվեստագետ ուժեր, հայտնաբերել ընդունակ կադրեր և ստեղծագործական ու նորարարական ուղիներ փնտրել: Ժամանակների հականարտությունների բովով անցած Քամալումոլքը, որ բավական փորձ էր ձեռք բերել քաղաքական և հասարակական բնագավառներում, մի քանի աշակերտներ ընդունելով սկսեց արմատավորել պատկերի ընդիմանուր լեզուն և դրանով մեծ քայլ կատարեց արվեստի կարգավիճակն ու իրանի արվեստը բարձրացնելու ուղղությամբ<sup>2</sup>:

**Կինը Քամալումոլքի նկարում** (նկար 1, անվանումը՝ Բախտագուշակը, տեխնիկա՝ յուղաներկ կտավի վրա, թվական՝ 1892, չափսերը՝ 1600x800, գտնվելու վայրը՝ Թեհրանի Աբյազ պալատ)։

Այս նկարում աղջկա հայացքն ու ցանկությունը կարելի է կարդալ ծեր բախտագուշակի դենքին: Բախտագուշակը տարեք հնարքներով կանխատեսում է նրա ապագան: Իսկ մայրը սրտացավությամբ դատերն է նայում ու հույս փայփայում, որ աղջիկը բախտագուշակի խոսքերի շնորհիկ կիսաղաղվի և ապագայի հանդեպ հույսով կլցվի: Երիտասարդ աղջիկն իր գեղեցիկ աչքերով ու մտահոգ հայացքով ծերունու աչքերում երջանիկ ու երազանքներով լի ապագա է փնտրում: Նկարիչը գեղարվեստորեն է պատկերել նրանց հայացքները և դրանք առավել ընդգծելու նպատակով ծերունու և կնոր հայացքները աղջկա կողմն է թեքել: Արյունքում այդ երեք հայացքները եռանկյունու պես իրար են միացել: Այս կոմպոզիցիան օժտված է երկարով հավասարակշռությամբ: Աղջիկը (ձախակողմյան ոսկեգույն անկյունի 1/3 հատվածում) հայացքներն իր կողմն է ձգում: Ներդաշնակություն կա նաև հետին ֆոնի

<sup>1</sup> Առնոլդ Յաուերզ, Արվեստի սոցիալական պատմությունը, թարգմանիչ՝ Ամին Մոայեր, Թեհրան, «Դոնյան Նո» հրատարակչություն, 1983թ., էջ 49:

<sup>2</sup> Տես Քաջան Յոսեյն (Բի թա) Քամալումոլք, Թեհրան, Մշակույթի և իմանական առաջնորդման նախարարության հրատարակչություն, 5-րդ տպագրություն, էջ 3-4:

գծերի, կերպարների ուղղահայաց բաժանման և լրսամուտից երևացող տեսարանի, ինչպես նաև գորգի թեք գծերի ու հագուստների վրայի գծերի միջև։ Ձերմ գույների ամբողջությունը, բաց դեղնագույնի և դարչնագույնի համակցությունը յուրահատուկ ինուրյուն են հաղորդել նկարին, և աղջկա կերպարի ընդգծումը կատարվել է միայն հայացքների միջոցով։

### **Քանալումոլքի աշակերտների առաջին և երկրորդ սերնդի ռեալիստ նկարիչներն ու նրանց նկարչության առանձնահատկությունները**

Այս նկարիչներից են՝ Էսմայիլ Աշբիյանին, Մահմուդ Օլիհան, Ռաֆի Շալաթին, Ալի Մոհամմադ Շեյդարյանը, Յահյա Դոլաթշահին, Ալի Ռոխսարը, Մոհսեն Սոհելիին, Շոքաթումուլը Շաղայեղին, Ռեզա Շահարին, Շուեյն Շեյխ Էհյան, Աբովհասան Սաղինին, Մոհսեն Վազիրի Մողադամը, Ջասան Արժանգը, Ռասան Արժանգին, Ալի Ասղար Փեթարը, Շուշանգ Փեզեշքնիան, Շուշանգ Փեյմանը, Ալի Աբբար Սանաթին և Մորթեզա Քաթուզյանը։

**Ալի Մոհամմադ Շեյդարյանը** (1896-1990 թթ.) Իրանի արդի նկարչության ամենաազդեցիկ ներկայացուցիչներից է համարվում։ Կրթության տարրական փուլը անցնելուց հետո նա ընդունվեց Գեղեցիկ արվեստների դպրոց և վարպետ Քանալումոլքի մոտ սովորեց նկարչությունը։ Այնուհետև իր կրթությունը շարունակելու և ուսումնասիրություններ կատարելու նպատակով նա ճամփորդեց Ֆրանսիա և Բելգիա։ Իրան վերադառնալուց հետո Գեղեցիկ արվեստների դպրոցի իր համադասարանցիներից մի քանիսի, այդ թվում՝ Վարպետ Վազիրիի հետ միասին հիմնադրեց Գեղեցիկ արվեստների քոլեջը և մինչև հանգստի կոչվելը սրտացավությամբ դասավանդեց ու իր արդյունավետ մասնակցությունն ունեցավ այդ հաստատության գործունեության մեջ։ Իրանի այժմյան հայտնի վարպետներից շատերը, այդ թվում՝ Զավադ Շամիդին, Մահմուդ Զավադիփուրը, Մորթեզա Մոնայեզը, Փարվիզ Քալանթարին և Մոնիր Ֆարմանֆարմայանը եղել են նրա աշակերտները։ Չնայած Շեյդարյանն սկզբում աշխատում էր իր ուսուցչի Քանալումոլքի ոճով, սակայն աստիճանաբար ծանոթանալով այլ ոճերի հրապուրվեց ուղղակի և ազատ գունազարդման և մաքուր ու թափանցիկ գույնների օգտագործման ոճով՝ ինպիսիսիզմով, և բավականին փորձ ձեռք բերեց։ Այս ոճից ազդված նրա ստեղծագործությունները կարևոր նշանակություն ունեցան Իրանի արդի նկարչության համար։ Շեյդարյանի աշխատելատը կլասիցիզմն ու նատուրալիզմն են, սակայն երբեմն նրա գործերում կարելի է տեսնել իմպրեսիոնիզմի ազդեցության հետքեր։ Նա հնուտ դիմանկարիչ է, ճանաչում է գույնն ու հասկանում նրա արժեքը։ Նրա դիմանկարները նման չեն ֆոտոնկարների, որոնք գուտ արձանագրում են պահերն ու առարկաները։ Նրանցում կարելի է տեսնել արվեստագետի վրձնի, մտքի, տրամադրության և կերպարի ընկալման կերպը։ «Տա ոչ մի ջանք չի խնայում անկենդան բնության պատկերման, մանրամասնությունների և նուրբ տարրերի օգտագործման ու բնության արտաքին գեղեցկությունների ներկայացման գործում, թեև ինքը դասական ոճի սիրահար է<sup>1</sup>»։

<sup>1</sup> Քաշեֆի Զալալեդին, Ավանդույթ և նորարարություն. նորմ ու հինը նոր հեռանկարների շոշանակում: «Հոնար» ամսագիր, թիվ 11, 1986թ., էջ 70:

Իր վարպետի՝ Քամալուլըի և նրա մյուս աշակերտների ստեղծագործությունների համեմատ, նրա գործերն առավել առանձնահատուկ են: Յեյդարյանն ստեղծել է տարբեր բնագավառների ստեղծագործություններ, այդ թվում՝ դիմանկարներ, բնապատկերներ, նաև պատկերել է փակ տարածություններ, օրինակ՝ սենյակ, նատյուրմորտեր և կատարել համաշխարհային նկարիչների գործերի կրկնօրինակներ: «Տարիների ընթացքում Յեյդարյանի աշխատելառն ավելի ազատ դարձավ: Ինչպես Քամալուլը, նա ևս սիրում է կրկնօրինակել անցյալի հեղինակների գործերը: Այդ կտավներից են Շիշկինի բնանկարներից մեկի և Դրեզդենի պատկերասրահի հավաքածուի մաս կազմող՝ Տիգիանի հանրահայտ «Կեսարի դիմարի» կրկնօրինակները<sup>1</sup>: Նրա գործերից կարելի է նշել Միլեյի «Չովիվը» և պրոֆեսոր Պաստորի դիմանկարը, որը պահպում է Փարիզի Պաստորի ինստիտուտում: Նա ջանասեր նկարիչ էր համարվում, սակայն հակված չէր իր գործերը ցուցադրելուն: Այնուամենայնիվ, արվեստի մեծերից շատերը նրան համարում են իրանի արդի արվեստի ամենաազդեցիկ ներկայացուցիչներից մեկը:

**Կինը Ալի Մոհամմադ Յեյդարյանի կտավում** (նկար 2, անվանումը՝ «Գեղջկուհին», տեխնիկան՝ յուղաներկ, թվականը՝ 1958 թ., գտնվելու վայրը՝ անձնական հավաքածու): Նկարիչը ներկայացնելով գեղջկուհու իրական կերպարը՝ նրան ցուցաբերել է այլ մոտեցում, իրականում մոտեցրել է նատուրալիզմին: Կուժը ձեռքին և զամբյուղն ուսին տեղական տարազով կինը դժվարություններին դիմագրավող աշխատասեր, ուժեղ և կայուն կնոջ մարմնավորում է, և նկարիչ արվեստագետն օբյեկտիվորեն բացահայտել է նրան: Լուսի աղբյուրը թաքնված է հենց կերպարի մեջ: Յետին ֆոնի վրա լույսը պակասում է այնպես, ինչպես ռեալիստական նկարում: Կնոջ պատկերի ուղղահայաց գծերը նպաստել են էջի կադրի խորությանը, մեծությանն ու հաստատականությանը և արտահայտում են հպարտություն ու դիմանիկա: Ամեն ինչ կայուն է ու ներդաշնակ: Գետնի վրայի հորիզոնական գծերը պահի կայունությունն ու հարմարավետությունն են ցույց տալիս: Ուղղահայաց ամուր ու ցրված հորիզոնական գծերը նկարին տվել են յուրահատուկ չափավորություն: Բնական գույները միախառնվել են գորշի տարբեր երանգներով և չնայած օգտագործվել են կոնտրաստային դեղինը, նարնջագույնը և մանուշակագույնը, հագուստի և բնության մեջ ստեղծված կիսաստվերը (սմերա) նվազեցրել է գույնի մաքրությունը: Այս նկարում կնոջ նկատմամբ նկարչի ջերմ մոտեցումը նկատելի է: Նա պատկերել է չարքաշ կին, որի բոլոր ջանքերն ուղղված են ընտանիքի բարօրությունն ապահովելուն, որը անբողջ օրը տնից հեռու չարչարվում է: Նկարիչը հմտորեն կարողացել է պատկերել նաև նրա բնական գեղեցկությունը, սլացիկ հասակը, որն իրանի հյուսիսային շրջանների կնոջ տարազով մարմնավորում է իրանցի գեղջկուհու ավանդական կերպարը: «Նրա արվեստը մոտ է նատուրալիզմին: Նա հետևել է մեծն վարպետ Քամալուլըին»<sup>2</sup>:

<sup>1</sup> Քամալուլը, Քամալուլըի դպրոց, Թեհրան, «Արգինե» իրատարակչություն, 1985թ., էջ 16:

<sup>2</sup> Այաթոլլահի Յարիթոլլահ, Արվեստի քննադատության եղանակների ընկալումը, Թեհրան, «Սուրեյե Սեհր» իրատարակչություն 2005 թ., էջ 85:

Անցյալ դարի սկզբներին լուս աշխարհ եկավ մի մարդ, որը ապագայում պետք է հայտնի դառնար որպես Իրանի մողեռնիստ նկարիչ: Նա սակավաթիվ այն արվեստագետներից էր, ով այդ տարիներին բարձրացրեց մողեռնիզմի դրոշը: Սակայն լարված ու ալեկոդ կյանքը նրան խանգարեցին դառնալու Իրանի գեղանկարչության ասպարեզի եզակի դեմք<sup>1</sup>: Դա Հուշանգ Փեղեշընիան էր (1917-1972): Փեղեշընիան Իրանի արդի նկարչության ներկայացուցիչներից է: Նա մի շարք իրանցի ուսանողների հետ ուղևորվում է Եվրոպա, սակայն Երկրորդ համաշխարհային պատերազմի պատճռով Եվրոպայի ճանապարհը փակվում է, և նա ստիպված հանգրվանում է Թուրքիայում: Այնուամենայնիվ, նա շարունակում է նկարել և բախտի բերմանք ծանոթանում է Թուրքիա աքսորված ֆրանսիացի նկարչի Լեռպոլդ Լսիի հետ, որը քաջ ծանոթ էր քսաներորդ դարի նկարչության ընթացքին: Վերջինս 1943-1946թթ. Փեղեշընիայի ուսուցիչն էր Պոլսում և օգնեց նրան հայտնագործել մողեռն նկարչությունը: Փեղեշընիան ուսումը ստանում է այդ նկարչի մոտ և ստացած գիտելիքներով վերադառնում Իրան:

Իրանցի գեղանկարիչն իր գուաշ և ջրամերկ գործերի ընտրանին, որ ստեղծել էր Եվրոպական արվեստից ներշնչվելով, առաջին անգամ ցուցադրեց Փարիզում: Ապա որոշեց դա ներկայացնել Իրանում: Նա հավաքեց Իրանցի եռանդուն երիտասարդությանը, և անհատական ու կոլեկտիվ ցուցահանդեսների օգնությամբ կարողացավ ամբողջ Երկրով մեկ հետաքրքրություն առաջացնել արվեստի նոր հասկացությունների նկատմամբ<sup>2</sup>:

«Դժվար թե հնարավոր լինի հստակ որոշել Փեղեշընիայի արվեստի ուղղությունը: Թուրքիա ճարորդելուց առաջ նա աշխատում էր իին ոճով: ճամբորդությունից հետո մի առ ժամանակ հետաքրքրվում էր իր ուսուցանած տեխնիկայի, այդ թվում՝ Պիկասոյի և Բրաքի կուրիզմի ու Մատիսի ֆովիզմի ցուցադրմամբ: Վերջում նա հոգնեց փոխառված այս մեթոդներից ու իրաժարվեց դրանցից: Հուշանգ Փեղեշընիայի գեղանկարչությունն անցել է ոլորուն ճանապարհներով և ենոցինալ երանգներով պատկերել արևադարձային վայրերի սևացած դեմքերը: Գուաշի և ջրամերկի օգնությամբ նա արտացոլում է Իրանի գյուղական բնությունն ու արևից կիզված գյուղացու դեմքը: Նա սիրում էր Իրանի գյուղական բնությունն ու գեղջուկների խանձված դեմքերը, որոնց մեջ տեսնում էր մի տեսակ ազնվականություն և հապատություն, և շատ էր ցանկանում դրանք արտացոլել իր կտավներում: Եթե Փեղեշընիան դուրս եկավ «հզմերի» պատյանից, փաստորեն գտավ ինքն իրեն:

Իրականում Հուշանգ Փեղեշընիան այն երեք-չորս նկարիչներից էր, որոնք 1941 թվականին Իրան ներնուժեցին նոր պատկերացում նկարչության մասին:

Գիտակցության ու ճանաչման այն աստիճանը, որն այսօր առկա է Իրանի գեղարվեստի մթնոլորտում, ախտավախելիորեն ինչ-որ չափով նրանց ջանքերի

<sup>1</sup> Տե՛ս Ենդաղյան Յաղութ, Ռույին Փաքքազ, Դեպի ուղեկիցների այգին, Թեհրան, «Նազար» հրատարակչություն, 2000 թ., էջ 169:

<sup>2</sup> Նույնը, էջ 160:

շնորհիվ է: Նրանցից առաջ նկարչությունը քիչ թե շատ սահմանափակվում էր Քանալումօլքին և նրա աշակերտներին ընդորինակելով»<sup>1</sup>:

**Կինը Հուշանգ Փեզեշբնիայի կտավում** (նկար 3, անվանումը՝ անանուն, տեխնիկա՝ ջրաներկ՝ ստվարաթղի վրա, թվական՝ 1970, չափսերը՝ 255x150սմ, գտնվելու վայրը՝ անձնական հավաքածու)։ Նա նկարում է հարավյախն այրված դեմք, միայնակ և թախծոտ կին, ով իր ուսերին կրում է կյանքի ամբողջ բեռը և մարտնչում ապրելու համար, փնտրում է կյանք և երեմն է՝ անեռություն։ Կերպարի դեմքի, ձեռքերի և կիսանդրու վրայի արտահայտիչ գժերը կրում են դաշնություն, վիշտ, մենություն ու անօգնականություն։ Այս ստեղծագործության հավասարակշռություն պահպանելու համար մեծ նշանակություն ունեն օգտագործված ուղղահայաց, կոր և շեղ գժերը։ Գորշավուն կապույտն այս նկարում լավագույնս արտահայտում է կնոջ հոգում կուտակված վիշտը։ Կոմպոզիցիայի հաստատում և հզոր գժերը նպաստում են ստեղծագործության իմաստը փոխանցելուն։

**Մորթեզա Քաթուզյանը** ծնվել է 1943թ. հուլիսի 3-ին Թեհրանում։ Մանկուց հետաքրքրվում էր նկարչությամբ։ Մասնագիտությամբ՝ գրաֆիկայով և նկարչությամբ սկսեց զբաղվել 1960 թվականից և նախագծեց բազմաթիվ պաստաներ, գրեթի կազմեր, բրոյալներ ու լոգոներ։ Նա նախահեղափոխական տարիների գրաֆիկների արհեստական միության հիմնադիրներից է, երկու տարի եղել է նրա տնօրենների խորհրդի անդամ։ Մասնակցել է գրաֆիկայի և նկարչության բազմաթիվ ցուցահանդեսների։ Մինչ օրս ունեցել է իր ստեղծագործությունների չորս ցուցահանդես և մասնակցել է նաև խմբային մի շարք ցուցահանդեսների։ Ավելի քան 30 տարի է, որ գեղանկարիչը զբաղվում է նկարչության դասավանդմամբ և նրա ուսանողներից ոմանք արդեն դասախոսներ են։ Քաթուզյանի գործերից շատերը գտնվում են Թեհրանի ժամանակակից արվեստի թանգարանում, տեղական և արտասահմանյան մասնավոր հավաքածուներում և աշխարհի տարբեր թանգարաններում։

Քաթուզյանը իրանի ժամանակակից փորձառու նկարիչներից է։ Նա այն արվեստագետներից է, ում գործերը գրավել են հանրության ուշադրությունը<sup>2</sup>։

Վարդետ Քաթուզյանի գործերից հանդիսատեսները ջերմություն ու հարազատություն են զգում։ Արվեստագետի գործերը ազդում են մարդու հոգու վրա։ Չնայած նա կերտել է շատ արժեքավոր նկարներ, սակայն դրանք արարչի ստեղծած գեղեցկությունների միայն մի փոքրիկ մասնիկն են։ Քաթուզյանի գործերը ռեալիստական են, դրանք պարունակում են նաև մոդեռնիստական և սյուռեալիստական տարրեր։ Նրա ստեղծագործության թեմաներից են սպասումը, մտահոգությունը և հետզհետե նվազող ուրախությունը։ Քաթուզյանն իր նկարներում անդրադարձել է այնպիսի հասկացությունների, որոնց կողքով մենք ամեն օր պարզապես անցնում ենք։ Քաթուզյանի գործերի խոր իմաստներն ու գաղափարները հավերժ մնայուն են։ Նա ասում է. «Իմ կարծիքով արվեստը ժամանակակից մարդու կյանքի

<sup>1</sup> Նույնը, էջ 167։

<sup>2</sup> Գուլարգի Մորթեզա, Յեղափոխության արվեստն Իրանում, Թեհրան, «Ֆարհանգեստան Հոնար» հրատարակչություն, 1999 թ. էջ 184։

բովանդակությունը ներկա և ապագա սերունդներին փոխանցելու մշակութային ամենակարևոր միջոցներից է<sup>1</sup>:

Քարուզյանի գործերը չեն համապատասխանում որևէ կոնկրետ ոճի չափանիշներին և հետևաբար դրանք հնարավոր չեն վերլուծել մեկ ոճի չափանիշներով: Բոլոր բնագավառներում տարբեր ոճերը նա ընկալում է սեփական ճաշակով: Նա մեկ նկարում է ռեալիստական, մեկ սյուռեալիստական, իսկ մեկ այլ դեպքում նատուրալիստական ոճով: Քարուզյանը ցանկացած վերապահումներից ազատ նկարիչ է: Նրան կարելի է սրտի նկարիչ անվանել:

Նրա նկարներից շատերում հանդիսատեսը տեսնում է կյանքի սովորական, անցողիկ պահերը: Նրա ընկալումն այնպիսին է, որ կարծես արվեստագետը միայն ցանկացել է նկարել ու ցուցադրել իր տեխնիկական հմտությունը և ամենափոքր մանրամասները: Այս մտածելակերպը արտահայտվում է գույների և թեմայի ընտրությամբ և ստեղծագործության ներկայացման միջոցով: Նկարչի առաքելությունն է հանդիսատեսի համար բացահայտել երևույթներով լեցուն աշխարհի ինչ-որ դուռ:

**Կինը Մորթեզա Քարուզյանի կտավներից մեկում** (նկար 4, անվանումը՝ մերժվածը, տեխնիկան՝ յուղաներկ կտավի վրա, թվական՝ 1984, չափսերը՝ 70x50, գտնվելու վայրը՝ անձնական հավաքածու): Պատի անկյունում կնոջ ճնշված մարմինը, չադրայի մեջ փաթաթված ոտքերի, ձեռքերի և մարմնի շարժումները խստացրել են նրա թշվառության պատկերը: Կտավում կինը գտնվում է տեսանկյան կենտրոնում, որ բավականին մեծ զգացմունքային լիցք է արտացոլում: Արվեստագետն օգտագործելով նարնջագույնի, օխրայի, գորշավուն կանաչի և դարչնագույնի տարբեր երանգների ներդաշնակ գույները՝ կարողացել է ընդգծել կնոջ թախիծը, հուսահատությունը, մտամոլությունը, մենությունը և թշվառությունը: Կտավի ռեալիստական արտահայտությունը փոխանցում է անապաստանության գաղափարը, որ կերպարը կործանված է, միայնակ ու հոգնած: Արդյոք կա՝ որևէ ապահով տեղ: Նրա համար լուսի ու հույսի նշույլ անգամ չի երևում: Կտավի գույները հիշեցնում են աշնան մայրամուտը, որը վշտի և տիսրության սկիզբ է ազդարարում: Քարուզյանը կարողացել է հանդիսատեսի մեջ արթնացնել կարեկցանք և սրտացավություն՝ պատկերելով տիսուր մի տեսարան, որի բազմաթիվ օրինակներն առկա են հասարակական կյանքում:

Անշուշտ, իրանի արվեստագետների ու վարպետների՝ Քանալումոլքի դպրոցի երեկով աշակերտների ստեղծագործություններում ստեղծվել է հակասություն նորության փնտրությունների և իհն մտածողության միջև, ինչը կյանք և շարժում արտահայտող արվեստագետի ներքին պահանջ էր:

Քանալումոլքի դպրոցի նկարիչներն իրենց գործերում ուշադրության են արժանացրել կնոջ կերպարի սոցիալական ասպեկտները և նրա երթյան չափանիշները: Ուեալիզմն անբողջությամբ առկա էր Քանալումոլքյան շրջանի նկարչության մեջ և տվյալ դեպքում արտահայտվել է կնոջ կերպարում: Նկարիչները հատկապես շեշտադրում էին հասարակական կյանքում նրա՝ իբրև մոր դերը:

<sup>1</sup> Քարուզյան Մորթեզա, Մորթեզա Քարուզյանի գեղանկարչական ստեղծագործությունները, Թեհրան, «Սեգարե» հրատարակչություն, 1992թ. էջ 11:

Երկրորդ սերնդի գեղանկարիչները ևս բացի ռեալիստական միտումներից, որոնք գալիս էին վարպետ Քամալումոլքից, հակված էին ինպրեսիոնիզմին և էքսպրեսիոնիզմին: Նրանք կնոջ ներքին վիճակները ներկայացնում էին էքսպրեսիոնիզմի դիտանկյունից՝ հատուկ ուշադրություն դարձնելով նրա զորության ու հաստատականությանը:




Նկար 1.  
Նկարիչ Քամալումոլք



Նկար 3.  
Նկարիչ՝  
Հուշանգ Փեղեշընիա



Նկար 2.  
Նկարիչ՝  
Ալի Մոհամմադ Հեյդարյան



Նկար 4  
Նկարիչ՝  
Մորթեզա Քաթուզյան

**Մադանա Սեփասի, Կնոջ կերպարը Իրանի իրապաշտ նկարիչների ստեղծագործություններում** – Ուսումնասիրության մեջ հեղինակը փորձում է ներկայացնել կնոջ կերպարի արտացոլումը Իրանի իրապաշտ նկարիչների աշխատանքներում։ Յուրաքանչյուր նկարչի կտավում ցույց է տրվում կնոջ բնավորությունը և հասարակության մեջ նրա դերը։ Գեղանկարիչների հայացքների ու ոճերի վերածնությանը զուգընթաց՝ կարելի է հասկանալ այն ձնշիչ սոցիալական իրավիճակը, որը ապրում էր պարսկուհի կինը։ Իրանի նկարիչները շեշտադրել են նրա անզուգական գեղեցկությունը։

**Мадана Сепаси, Образ женщины в произведениях Иранских художников-реалистов – В**

**The image of women in the paintings of Iranian realist painters** – The present research aims to study the different manifestations of the image of women and their social identity in the paintings of the Iranian realist artists. In studying the works of each of these artists, certain aspects of various roles that women play in the society have been taken into consideration and the functions of the women have been observed from the artists' perspective.

The notable issue is that in addition to identifying the artists' styles and approach to women, the exploration of the works helps extent to understand the prevailing social conditions and the common stereotype about women and their role in society. Apart from the identification of the women's practical role in the society in the paintings, we can discover the creation of the images of ideal, mythological and exemplary woman by the artists.

*Մադանա Սեփասի - ԵՊԴ հայ արվեստի տեսության և պատմության ամբիոնի ասպիրանտ*

